

Luo - Ndiko - Deliverance Scriptures

Zaburi 44:4 In e Ruodha kendo Nyasacha, magolo chik mondo Jakobo olochi.

Mathayo 6:13 Bende kik iterwa e tem, to reswa e Iwet Ng'ama Rach.' (Luka 11:4)

Mathayo 8:16 Ka nochopo odhiambo, nokedne ji mathoth mane nigi jochiende, kendo noriembo chunjego oko gi wach, kendo nochango ji duto mane tuo.

Mathayo 10:1 Noluongo jopuonjrene apar gariyo ire, mi omiyogi teko mundo giriemb chunje maricho kuom ji, kendo gichang kit midekre gi tuoche duto. (Mariko 3:14,15)

Mathayo 10:8 Changuru joma tuo, chieruru joma otho, pwodhuru joma nigi dhoho, riemburu jochiende. Kaka useyudo nono, un bende chiwuru nono.

Mathayo 12:26-29 Ka Satan riembo Satan to mano nyiso ni opogore kende owuon. Koro ere kaka pinyruodhe dichungi? 27 Ka diponi ariembo jochiende gi teko mar Belzebub, to jou to riembogi gi yo mane? Omiyo koro gibiro bedo joma ng'adonu bura. 28 To ka ariembo jochiende gi teko mar Roho Maler to kara pinyruoth Nyasaye osebironu. 29 "Koso, ere kaka ng'ato nyalo donjo e od ng'ama ratego mi omaye gige odhigo, ka ok okuongo otweyo ng'ama rategono? (Mariko 3:23-27)

Mathayo 12:43-45 "Ka jachien marach owuok kuom ng'ato, owuotho kuonde motuo koni gi koni, komanyo kama doyudie yweyo, to ok oyudi. 44 Eka owacho ni, 'Abiro dok e ot mane aaye.' Ka ochopo to oyudo ka odno iye ni nono, koyweye maler kendo oike maber. 45 Eka odok okelo chunje abiriyo mamoko maricho moloye, kendo gidhi gidonjo kanyo mi gidagie. Bang'e achien ng'atno bedo marach moloyo kaka nochal mokwongo. Kamano e kaka biro timore ne tieng' marachni."

Mathayo 15:22,26,28 Chi Kanaan moro mane odak machiegni gi kanyo nobiro ire kaywagore ni, "Ruoth, Wuod Daudi, kecha! Nyara nigi jachien marach kendo osandore malit." 26 To nodwoko ni, "Ok en gima ber kawo chiemb nyithindo mondo idir ne guogi." 28 Eka Yesu nodwoko ni, "Dhako, in gi yie maduong' ndi! Kwayoni osechopi." Kendo nyare nochango kochakore sano.

Mathayo 16:19 Abiro miyi kifungni mag pinyruodh polo; kendo gimoro amora mitweyo e pinya notwe e polo, to gimoro amora migonyo e piny nogony e polo." (Mathayo 18:18)

Mathayo 17:19-21 Eka jopuonjre nobiro ir Yesu ling'ling' mi openje ni, "Ang'o momiyo wan nende ok wanyal riembe?" 20 Nowachonegi ni, "Nikech un-gi yie matin nono. Anyisou adier ni ka un-gi yie matin marom gi koth karadali to unyalo wacho ne godni ni, "Wuogi ia ka idhi kacha, kendo dowuogi

modhi. Onge gima dibednu matek. 21 To jachien ma kama ok nyal riembi ka ok ng'ato olamo matek kendo otwego chiemo."

Mariko 1:23-26 To kanyono ei od lemo ne nitie ng'at moro mane nigi jachien marach. Ng'atni noywak matek kawacho ni, 24 "Idwaro ang'o irwa ka, Yesu ja Nazareth? Ibiro mondo itiekwa koso? Ang'eyo ng'ama in, in Ng'ama Ler mar Nyasaye!" 25 To Yesu nokwere gi duol matek ni, "Ling' thi! Aa kuome!" 26 Jachien marach-no noyuko ng'atno mi ogoyo koko gi dwol maliyore, bang'e oa oweye.

Mariko 1:32-34 Odhiambono, ka piny noseyuso, ji nokelo ni Yesu jotuo duto kaachiels gi joma nigi jochiende. 33 Jodalano duto nochokore e dhoot kama ne Yesu nitie, 34 to Yesu nochango ji mathoth mane nigi kit tuoche mayoreyore. Bende noriembo jochiende oa kuom ji, to ne ok oyiene jochiendego mondo owuo nikech ne ging'eyo ni En ng'a.

Mariko 1:39 Omiyo nowuotho e Galili duto, koyalo e utegi mag lemo kendo koriembo jochiende kuom ji.

Mariko 5:8 Noyudo Yesu wachone ni, "Aa kuom ng'atni, jachien marachni!"

Mariko 6:7,13 Kindeno noluongo ire Ji apar gariyo, mi oorogi ji ariyo ariyo, kendo omiyogi teko kuom jochiende maricho. 13 Bende ne gigolo jochiende mathoth kuom ji kendo ne giolo mo kuom joma tuo mathoth mi gichangogi.

Mariko 9:23-25 Yesu nowachone ni, "Kuom yie" "Gik moko duto nyalo timore ni ng'at moyie." 24 Gikanyono wuon wuwino noywag-ore kawacho ni, "An gi yie, to konya mondo alo rem mar yiena." 25 Ka Yesu noneno ka ji moko ringo biro kama gintie, nokwer jachien marachno kowacho ni, "In jachien ma ite odino kendo ma momoni, achiki ni aa kuome kendo kik ichak idonj kuome kendo."

Mariko 9:29 Nodwoko ni, "Jachien machal kama inyalo golo mana kuom lamo kod tweyo chiemo."

Mariko 9:38,39 To Yesu nowacho ni, "Kik itame nikech onge ng'at manyalo timo hono e nyina manyalo loko pache bang' thuolo manok mi owach gimoro marach kuoma,

Mariko 16:17 To ranyisigi nolu joma oyie: E nyiga giniriemb jochiende; gini wuo gi dhok manyien;

Luka 4:18 "Roho mar Ruoth ni kuoma, nikech osewira moyiera mondo ayal wach maber ne joma odhier. Oseora mondo aland ni joma otwe ni gin thuolo kendo ni muofni ni oyaw wengegi, mondo ogony jogo misando. (Isaya 61:1)

Luka 4:34-36 "En ang'o midwaro timo kodwa, Yesu Ja Nazareth? Isebiro mondo itiekwa? Ang'eyo in ng'a, ng'at Maler mar Nyasaye!" 35 Yesu nokwere matek niya, "Ling' thi, wuogi ia kuome". Eka jachien nogoyo ng'atno piny e nyimgi duto kendo nowuok maok ohinye. 36 To ji duto

nowuoro kendo wacho ni ng'ato ka ng'ato ni, "Ma puonj ma nadé? Giteko maduong kod loch ochiko chunje maricho kendo gi wuok gi aa.

Luka 4:41 Moloyo mano, jochiende nowuok oaa kuom ji mang'eny, kagoyo koko ni, "In e Wuod Nyasaye!" To nokwerogi kendo ne ok oyienigi mondo giwuo, nikech neging'eyo ni en e Kristo.

Luka 7:21 E saa nogono Yesu nochango ji mang'eny manenigi tuoche, midekre kod chunje maricho, kendo nomiyo muofni mang'eny mondo onen.

Luka 8:29 Nimar noyudo Yesu osechiko jachien marachno mundo owuog oa kuom nga't-no. Kuom kinde mang'eny nomake, to kata nosetwe Iwete, tiende gi nyororo, kendo okete e bwo jarit, nosebedo kocho-do nyororo kendo jochiende ne riembe nyaka e thim.

Luka 9:40 Nende akwayo jopuonjre magi mondo giriembe oko, to ne ok ginyal.

Luka 10:17-20 Ji piero abiriyogo noduogo kod ilo mi giwacho ni, "Ruoth koda ka jochiende be winjowa e nyingi," 18 Nodwoko niya; "Ne oneno Satan kalor aa e polo mana kamil polo. 19 Asemiyoo loch mondo unyon thuonde gi thomoni kendo ulo teko duto mag jasigu bende onge gima nohinyu. 20 To kik uil ni jochiende winjou, to iluru ni nyingu ondiki e polo.

Luka 11:14 Chieng' moro Yesu neriembo jachien ma momo. Kane jachien oa, ng'atno ma momo no wuoyo, kendo oganda nohum nono.

Luka 11:20-22 To ka ariembo jochiende oko gi Iwet Nyasaye to kare loch Nyasaye osebironu. 21 Ka ng'at maratego, momanore gii Iweny orito ode owuon to gige duto ritore maber. 22 To ka ng'at maratego moloye omonje mi oloye to omayo ng'atno gii Iweny mane okete e genone, kendo oyako gige odhigo.

Luka 13:32 Nodwoko ni, "Dhiuru uwachne kib-weno, 'Abiro golo jochiende kendo chango ji kawuononi gi kiny, to chieng' mar adek abiro chopo dwarona.

Johana 14:12 Anyisi adier ni ng'ato ka ng'ato ma nigi yie kuoma biro timo gik ma asebedo ka atimo. Be obiro timo gik madongo moloyo magi, nikech adhi ka Wuoro.

Johana 17:15 Ok alam mondo igolgi oko e piny, to alamo ni iritgi mondo kik Ng'ama Rach timnegi marach.

Tich Joote 10:38 kaka Nyasaye nowiro Yesu ja Nazareth gi Roho Maler kod teko, kendo kaka nowuotho koni gi koni kotimo maber kendo lochango ji duto mane nie bwo loch mar Jachien, nikech Nyasaye ne ni kode.

Tich Joote 16:17,18 Ne ojaluwo bang' Paulo kod wan duto, kokok ni, "Jogi gin jotich Ruoth Nyasaye Mamalo Chutho, kendo ginyisou yor yudo warruok." 18 Notimo kamano kuom ndalo mogwarore, to achien Paulo no sin, mi nolokore ochiko jachiendno ni, "Achiki e nying Yesu Kristo ni aa kuome! Jachiendno noa kuom nyakono sanosano.

Tich Joote 19:11,12 Nyasaye nomiyo Paulo otimo honni madongo. 12 kata mana kitembini mag Iwedo kod lep tich ma nosegeyore kuome noter ne jotuo, mi tuochegei nochango kendo jochiende noa kuomgi.

Tich Joote 26:15-18 Eka napenjo ni, 'In ng'a, Ruoth?' Ruoth to nodwoka ni, 'An Yesu ema isando.' 16 'To koro aa malo ichung' gi tiendi. Asefwenyorani mondo aketi kaka jatich kendo janeno kuom gik miseneno kuoma kendo kuom gik mamoko ma abiro nyisi. 17 Abiro resi e Iwet jou kendo kuom ogendini 18 mondo iyaw wengegi, kendo mundo ilokgi gia e mudho, giduogi e ler, kendo gia e teko Satan, giduogi ir Nyasaye; Ka gitimo kamano eka giniyudi weruok mar richo, kendo gibedi e achiel gi ji duto mosepuodhi, nikech guyie kuoma.

**Jo-Rumi 16:20 Piyopiyo nono Nyasach kuwe biro toyo Satan e bwo tiendu.
Mad ng'wono mar Ruodhwa Yesu Kristo obed kodu.**

2 Jo-Korintho 2:11 mondo kik satan Iowa gi riekone, nikech wang'eyo chenro mage.

Jo-Galatia 1:4 ma nochiwore nikech richowa mondo ogonywa waa e kethruok mag ndalogi, kaluwore gi dwaro Nyasachwa kendo Wuonwa,

Jo-Efeso 4:27 kendo kik imi jachien thuolo mar loyi.

Jo-Efeso 6:11 Manreuru gi gii Iweny duto mag Nyasaye, mondo eka uchung' motegno kutang' ne wuond mar Jachien.

2 Jo-Thesalonika 3:2,3 Lemnwauru bende mondo Nyasaye oreswa e Iwet joma timbegi mono kendo ma chunygi rach, nikech ji duto ok nigi yie, motegno. 3 To Ruoth en jaadiera, omiyo obiro miyou teko kendo obiro ritou e Iwet Ng'ama Rach.

2 Timotheo 2:26 kendo kogeno ni pachgi nyalo yawore mi gitony gia e obadho mar Jachien moseketogi e twech mar timo dwarone.

2 Timotheo 4:18 Omiyo ang'eyo ni Ruoth pod biro resa kuom gimoro amora marach mad-waro hinya nyaka chop atundi e Pinyruodhe mar polo. En ema mundo oyud duong' mosiko nyaka chieng'. Amin.

1 Petro 5:8 Bed kuritoru kendo motang'. Jasiku, ma en Jachien, bayo ka gi kacha mana ka sibuor maruto, komanyo ng'ama dongam.

1 Johana 4:4 Ne un nyithinda mageno, unto un nyithind Nyasaye kendo useloyo jonabi mag miriambogo, nikech jal manie iu duong' moloyo jal manie piny.

Numbers 10:35 Let Jehova arise and enemies scatter.

Rapar mar Chik 23:5 Jehova turn curse into blessing (Nehemia 13:2)